

MASTER OF ARTS EN LANGUES
ET LITTÉRATURES
«**SCIENCES DU PLURILINGUISME,
OPTION RHÉTO-ROMAN**»

MASTER OF ARTS IN SPRACHEN
UND LITERATUREN
«**MEHRSPRACHIGKEITSFORSCHUNG,
OPTION RÄTOROMANISCH**»

MASTER OF ARTS EN LINGUAS
E LITTERATURAS
«**SCIENZAS DA PLURILINGUITAD,
OPZIUN RETORUMANTSCH**»

Il program da studi cuntegna dus accents: d'ina vart vegnan approfondadas las enconuschientschas en linguistica e scienza litterara rumantscha, da l'autra vart absolvan las studentas ed ils students ina part dal program da studi da las Scienzas da plurilinguitad. L'instrucziun sa fatschenta uschia sper la linguistica e litteratura rumantscha cun dumondas da l'acquisiziun da pliras linguas, dad aspects cognitivs da la plurilinguitad e dad aspects didactics-pedagogics. Era ils aspects finanziaals, politics ed instituziunals en connex cun la diversitad linguistica vegnan tractads.

Schlargiar l'orizont dal studi da rumantsch

Ils seminaris ed ils curs da quest master gidan vus a chapir

- estructuras e dinamicas dal rumantsch e ses contacts cun autras linguas
- las características particularas da la litteratura rumantscha sco litteratura regionala e ses contacts cun autras litteraturas
- la politica da linguas che sa fatschenta cun minoritads
- il funcziunament e la construcziun da la plurilinguitad individuala
- la rolla che linguas giogan tar la construcziun dad inegalitads
- differentas manieras da gestir la diversitad linguistica

Ina furmaziun da qualitad per «professiuns rumantschas»

Il master da rumantsch vul furmar tant scienziadAs spezialisadAs en la plurilinguitad ed en la retoromanistica sco er avrir la via al diplom per scolastAs gimnasialAs. Ils students emprendan a preparar studis linguistics ed a rimnar datas sin il terren. Els analyseschan co che umans discurren, scrivan e pensan en pliras linguas, co ch'els valiteschan linguas e la plurilinguitad e co che societads organiseschan la diversitad linguistica. Ils seminaris e curs da rumantsch scoleschan gliedud che sa lavurar suenter en tut las professiuns che s'occupan intensivamain dal rumantsch.

Contact cun la pratica

In modul «pratic» cun in praticum en in'instituziun rumantscha permetta als students da transfurmar lur savair e lur cumpetenzas en la vita da lavur.

Studegiar en quatter linguas en in lieu biling

Ils seminaris e curs da rumantsch vegnan manads per rumantsch, singuls era per tudestg. Las lecziuns da las Scienzas da plurilinguitad èn en franzos, tudestg ed englais. Ils students vivan uschia en ina citad bilingua ed en in ambient academic pluriling, pon approfondar lur enconuschientschas linguistics e sentan mintga di, tge che plurilinguitad signifitga.

Organisaziun dal studi

Modul 1: Problemfelder und Theorien	15 ECTS
//langage et société//compétences plurilingues// rätoromanische Minderheit//language contact//	
Modul 2: Linguistica e litteratura rumantscha	15 ECTS
//il rumantsch pli baud ed ussa// seminari da litteratura// seminari da linguistica//lavur da seminari	
Module 3: Mehrsprachigkeitsforschung	15 ECTS
//1 Methodenseminar//2 Seminare aus dem Bereich Mehrsprachigkeitsforschung//1 Seminararbeit	
Module 4: Perspectivas praticas	15 ECTS
//praticum//seminari da litteratura// seminari da linguistica//Forschungsseminar	
Lavur da master	30 ECTS

Il program da master po vegnir studegià entaifer 4 semesters a temp cumplain u sur plirs onns complementarmain a la professiun. La purschida da curs da la domena da plurilinguitad ed era da rumantsch sa concentrescha sin dus dis l'emna (il glindesdi ed il mardi).

Perspectivas professionalias

Cun questa furmaziun pon las absolventas ed ils absolvents lavurar en ils suandants champs da lavur: collavuraturA scientificA tar differentas organisaziuns linguisticas en il Grischun, collavuraturA da medias, bibliotecarA, translaturA, magister/magistra gimnasialA (il diplom per l'instrucziun gimnasiala po vegnir fatg parallelamain al master u suenter il master). Cun il studi da scienzas da plurilinguitad avra il studi da rumantsch l'orizont e las schanzas professionalias en projects scientifics, en l'administraziun publica u en projects d'integrasiun. Il studi da Scienzas da plurilinguitad ha l'avantatg ch'el ha fitg paucs absolvents, uschia ch'ins studegia en in'atmosfera famigliara. Absolvents dal studi da rumantsch èn dal reminent fitg tschertgads sin il martgà da lavur, perquai ch'i dat paucs Rumantschs che sa decidan per in studi da lur lingua.

contact: pluriling@unifr.ch